



ANTARA wanita warga asing yang disyaki menjalankan kegiatan pelacuran ditahan dalam serbuan di dua premis di kawasan apartmen kos rendah di Jalan Pudu, Kuala Lumpur, kelmarin.

ANTARA barangan yang ditemui dalam bilik yang digunakan untuk aktiviti pelacuran di apartmen kos rendah di Jalan Pudu.

IMIGRESEN SERBU DUA RUMAH MERAH

DUA SHIFT BUAT DOSA

Oleh Nurul Hidayah Bahaudin
am@hmetro.com.my

Kuala Lumpur

Kegiatan pelacuran wanita warga asing yang menggunakan apartmen kos rendah sebagai sarang pelacuran terbongkar dalam dua serbuan di Jalan Pudu di sini, kelmarin.

Ketua Pengarah Jabatan Imigresen Malaysia (JIM) Datuk Khairul Dzaimie Daud berkata, pihaknya menyerbu dua premis 'rumah merah' secara serentak jam 3:30 petang dengan kekuatan seramai 27 pegawai imigresen.

"Semasa serbuan, kami menahan penjaga untuk dibawa ke premis terbabit. Terdapat cubaan meloloskan diri wanita warga asing berkenaan dan pelanggan na-



KHAIRUL Dzaimie

mun gagal kerana semua jalan keluar sudah dikepong.

"Dalam serbuan ini, seramai 13 warga asing membabitkan lapan wanita warga Vietnam, empat wanita Indonesia serta seorang lelaki Vietnam berusia antara 20 hingga 40 tahun ditahan.

"Dua lelaki tempatan yang juga penjaga pintu dan enam

pelanggan warga tempatan pula dikenakan notis untuk hadir memberi keterangan," katanya.

Khairul Dzaimie berkata, dua premis di apartmen kos rendah itu disyaki menjalankan kegiatan pelacuran ketika tempoh Pelan Pemulihan Negara (PPN).

Katanya, hasil risikan mendapati premis itu dikunjungi pelanggan tempatan dan warga asing dengan menawarkan pakej perkhidmatan seks pada harga RM60 bagi satu langganan.

"Modus operandi sindiket ini adalah pelanggan berjumpa penjaga pintu dan dibawa ke premis bagi tujuan pemilihan pelacur.

"Kegiatan pelacuran ini terbahagi kepada dua shift iaitu shift pagi dari jam 7 pagi hingga 3 petang dan shift petang bermula dari 3 petang

hingga jam 9 malam.

"Kebiasaannya seorang pelacur mampu melayan sehingga 14 pelanggan bagi satu shift," katanya.

Beliau berkata, antara kesalahan dikenal pasti adalah tiada dokumen pengenalan diri, tinggal lebih masa dan kesalahan lain yang melanggar Akta Imigresen 1959/63.

"Semua tahanan akan ditempatkan di Depot Tahanan Imigresen Semenyih, Selangor untuk siasatan mengikut Akta Pemerdagangan Orang dan Anti Penyeludupan Migran (Atipsom), Akta Imigresen 1959/63, Akta Passport 1966 dan Peraturan-Peraturan Imigresen 1963," katanya.

TERDAPAT jadual tugas yang digantung di depan pintu bilik pelacur berkenaan.

